



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Cap. VI. De aliis effectibus emptionis & venditionis, ubi de periculo &
commodo rei venditæ & actionibus empti.

[urn:nbn:de:hbz:466:1-73957](#)

potius in pœnam delicti commissi in tali emptione, ut Castrop. quin nec pretium nondum solutum retinere, saltem post latam sententiam; focus in foro conscientie ante Judicis declaracionem, ut Castrop. Neque hic facienda distinctio inter emptionem rei pro rō alienæ, & rei non alienæ quidem, sed alteri obnoxiae; v.g. ex fideicomisso obnoxiae restitutioni, ut in hoc casu emptor agere possit ad pretium, ut Cov. referens alios; cum *cit. l. sifundum*. exp̄sc̄ loquatur tam de re pro rō aliena, quam tantum obnoxia alteri. Cui qualiter non contradicat *l. fin. C. commun. de legat.* vide apud Castrop. num. 17. ubi etiam, quod generalitatem cit. *l. sifundum*. admittenda non sit limitatio; nimurum, quod ubi pretium receptum à venditore converendum est in ejus utilitatem posse agere emptor de restitutione illius. Porro nequaquam ex dictis inferendum, venditorem posse pretium illud in specie vel æquivalenter retinere, cum nullus sit titulus, sed in foro conscientie reddendum emptori, in foro vero externo adjudicandum fisco, ut Castrop. n. 18.

9. Nonus: si emptor per vim expellatur à rei venditæ possessione, etiam dum venditor de evitio stipulatus fuisset, aut promisisset emptorem defendere de jure & de facto. *l. fin. de act. empt.* cum illa promissio defensio intelligi debeat, ubi ea

est possibilis, & res justè; non autem injustè evincitur. Gomez. loc. cit. n. 42. Castrop. l. c. n. 19.

10. Decimus: dum emptor ex mandato Principis cogitur vendere, aut alio contractu oneroso tradere rem venditam; tum quia tunc videtur res evicta per casum fortuitum in quo cessat evictio juxta *l. Lucius. ff. de evict.* tum quia non evincitur ob defectum, quem res à venditore accepit, quemque propterea is reparare non tenetur. Gomez. cit. num. 41. Castrop. num. 14. qui idem ob easdem causas, dicunt de casu, quod res evincitur per viam retractus. Item dum res speciali jure; v.g. beneficio restitutionis in integrum evinceretur; nisi tamen in eo casu promissa à venditore præstatio evitio. Gomez. n. 42. Castrop. n. 15. agi tamen tunc potest ad pretii restitutionem, ut idem.

Quæst. 307. In quibus è contra contractibus evictio locum habeat?

R Esp. non tantum in contractu emptionis & venditionis, sed in quolibet contractu oneroso, etiæ evictio promissa non sit; cum ex ipsiusmet illis contractibus ea nascatur. *l. libera. C. de sent. & interlocu. omn. Jud.* qualiter vero in specie respectu singulorum locum habeat, dicetur, ubi de singulis in specie contractibus dicetur. vide tantisper Castrop. tr. 33. d. 5. p. 28. f. 1.

CAPUT SEXTUM.

De aliis Effectibus Emptionis & Venditionis, ubi de periculo & commodo Rei venditæ, de Actionibus Empti.

Quæst. 308. Periculum rei venditæ Venditione perfecta num spectet ad Emptorem, an vero ad venditorem?

R Esp. Venditione rei certæ & determinata facta ad corpus perfecta, nimurum consensu utrinque pure & absolute præstito, periculum. (quo nomine hic venit casus fortuitus circa rem venditam contingens, quo ea vel in totum vel pro parte perit vel destruitur, tum ab intrinseco, puta ob mortuum aliudvit vitium in ipsa re ex causis intrinsecis ortum; tum ab extrinseco; v.g. per incendium, inundationem, injunctam ablationem circa culpam vendoris. Struv. ad *ff. de peric. & commod. rei vendite. th. 95*) etiam ante pretium annumeratum & traditionem rei, sive, antequam dominium in emptorem translatum, regulariter spectat ad emptorem, seu res perit vel deterioratur emptori, ita ut non obstante illo interitu vel deterioratione rei, is integrum pretium, si forte nondum solverit, solvere teneatur. §. cum autem. *Infl. b. t. juncta Gloss. quod sape. §. si res ff. de contrah. empt. l. necessari. ff. de peric. & commod. l. 1. & seq. C. cod. Molin. de f. & f. l. 2. d. 366. num. 11. Lefl. l. 2. c. 21. du. 12. n. 96. de Lugo. de f. & f. d. 26. n. 216. Pith. h. t. num. 49.* Ratio siquidem æquitatis postulat, ut qui sentit commodum, periculum quoque subire debeat. *l. 10. ff. de reg. iur. emptor autem perfecta venditione statim sentit commodum, ut dictum supra, & dicetur amplius paulo post. Rationem à R.P. Leur. Jur. Can. Lib. III.*

priori aliqui cum Grotio *de jur. bell. & pac. l. 2. c. 12. num. 15.* petunt ex eo, quod per fictionem juris dominium rei venditæ transeat ad emptorem juxta illud. *l. 15. de reg. iur. actionem habens ad rem, rem ipsam habere videtur. Quod ipsum impunant alii.* Muller. *ad Struv. l. c. th. 97. Lit. 3. & maximè Hahn ad Weßenbee. tit. cod. num. 1.* eo quod istiusmodi legalis transitus dominii sine traditione sit contra mentem Imperatoris in *cir. §. 3. Infl. b. t.* & nequaquam asserendum, nisi ubi lex ita statuit; hoc autem nullibi à lege statutum reperitur in præsente casu. Unde Muller. Hahn. *LL. cit. Lauterb. ad ff. cit. tit. §. 2.* independenter à tali fictione melius ex eo rationem petere videntur; quod licet venditione perfecta ante traditionem dominium nullum sit penes emptorem, is tamen statim ius habeat ad rem petendam, & venditor obligationem ad hanc in specie rem ei tradendam, ac ita emptor constituantur creditor, qui rem à venditore pro libitu avocare potest, & venditor debitor. Quapropter hic casu rei interitu liberetur, & res emptor tanquam ejus creditori in effectu perit. *l. 23. ff. de V. O.* Unde etiam facile respondetur ad illud *l. 9. C. de pignor. act. res perit domino suo: admittendo id verum esse, nisi dominus rei simul sit debitor. Adde, quod inquinum sit, dominum esse venditoris existens extra culpam, & semper parati rem soluto pretio tradere, dum emptor ubi potest, eam ab illo non avocat, & ita ea apud venditorem perit. Histamen non obstantibus nil vetat dicere*

B b

rem

rem petire emptori, ac si ejus dominus esset, ut
pote quod non significat illum esse dominum etiam
per fictionem juris; sed solum, quod sicut res ei
periret, si esset dominus, ita etiam pereat ei ex
eo, quod debitor sit. Quod vero apud Hebraeos,
Graecos aliasque gentes periculum & commodum
rei venditae ante traditionem non poterat esse penes
emptorem, exinde erat, quod hunc contractum
voluerunt re, id est, traditione perfici, & non so-
lo consensu, pro ut statuerunt leges Romanae.
Muller. loc. cit. Porro licet res pereat emptori, &
liberetur vendor, hic tamen actiones sibi com-
petentes propter rei interitum, amissionem, dete-
riorationem; v.g. contra furem rei vindicationem
conditionem furtivam, actionem furti, aut eum,
qui rem deterioravit, actionem Legis Aquiliae ten-
et cedere emptori. §. 3. Inst. b. t. l. 35. §. 4. ff. de
contrab. empt. l. 31. ff. de act. empti. Muller. loc. cit.
Lit. p. & seq. Lauterb. l. c. §. 5.

*Quest. 309. Qualiter responsio ad praeced.
quest. extendenda?*

R Esp. sequentibus ferè modis. Primo: ut locum
habeat, etiam si conditio resolutiva sit addita.
l. 20. §. 1. ff. de prescript. verb. l. 3. ff. de in diem ad-
dict. l. 2. ff. deleg. commissor. Lauterb. in ff. de peric.
& commod. §. 4. cum, utidem, haec venditio sit
perfecta, & partes purè consenserunt, & negotium
statim esse obligatorium voluerunt, & emptorem
habeat certo prelio emptam. Secundo: si alius rem
venditam velit retrahere jure protimiseos, & de eo
lis sit, Lauterb. l. c. citatis Scacc. de commerc. §. 1.
q. I. n. 478. Tiraquel. deretract. lin. fin. tit. n. 31.
Tertio: si vendor rem tradiderit, ejus verò domi-
num usque ad solutionem pretii sibi reservavit.
Lauterb. l. c. citatis Brunem. adl. 8. ff. de peric. &
commod. num. 8. & aliis. Siquidem in hoc casu em-
ptio quo ad essentiam & substantiam est perfecta;
neque est conditionalis; cum hoc pactum reserva-
torum non respiciat ad contractus perfectionem,
sed tantum ad complementum, ut effectus aliquo
modo perfectus sit. Lauterb. loc. cit. contra Carpz.
l. 1. resp. 108. num. 9. & seq.

*Quest. 310. Qualiter dicta responsio li-
mitanda?*

R Esp. limitationes illius plures in ipsa responsio-
ne expressi. Dixi enim primò: rei certa, & de-
terminata: si enim res indeterminata vendita, pe-
riculum & damnum spectat ad venditorem, de Lu-
go. d. 26. s. 14. §. unic. num. 218. cum communī.
Ethoc, quia contractus non censetur perfectus ra-
tione periculi usque ad determinationem; v.g. si
unum ex decem equis suis vendit, & unus alter-
ve pereat, perit vendori. Idem est, si simpliciter
dolium vini; quorum plura haber, vendit. Item
si 10. modios frumenti, cuius plures cumulos vel
horrea haber, non determinando cumulum vel lo-
cum, unde sumendum, vendit. Item si certi ge-
neris individuum, nullum tamen determinando,
emeris periculum & interitus est vendoris Muller.
loc. cit. th. 98. Lit. p. Lauterb. loc. cit. §. 21. Ita et-
iam ut si omnes species ejusdem generis, quas ven-
ditor habuit, perierint, vendor obligatus maneat
ad reddendum pretium, ut habet Lauterb. loc. cit.
citas Molin. d. 366. num. 3. Perez. in Cod. tit. de
peric. & commod. num. 12. cuius tamen contrarium
insinuare videtur Castrop. tr. 33. d. 5. p. 24. n.
& dum ait: quod si tamen vendidisset sub aliqua de-

terminatione; v.g. 10. modios tritici ex his, quos ha-
bet congregatos, ut ab hac obligatione excusat, debent omnes intelligi, modis apud illum in unum
congregati cumulum absungi. Unde infertur quod
si omnes absumpsi sint fortuito, periculum & dan-
num seu amissio pretii sit penes emptorem. Quod
certò est apud illum, si unam ex speciebus illis signa-
verit; cum illa signatio sit loco traditionis. l. 14. §.
1. ff. de peric. & commod. Faber. in rational. ut. cod.
Carol. Molinæ. in c. 1st. eod. & Tulden. ibid. num.
8. quos citant & sequuntur Muller. & Lauterb.
LL. cit. De cetero si res determinata vendatur, sed
alternativè seu sub disjunctione; v.g. dolium cer-
tum vini rhenani, vel dolium vini Mosellani, sive
vendor jure ordinario, sive emptor ex conven-
tione habeat electionem, id juris est, ut una per-
empta, altera sit præstanta. Muller. cit. ib. 98.
Lit. v. utraque autem ante electionem pereunte
diversis temporibus, periculum illius quæ prius
perit, ad venditorem, illius, quæ posterius perit,
periculum ad emptorem spectat; una enim pereun-
te, altera superest jam determinata debebatur
emptori, non fecit, ac si primitus sola fuisse in
obligationem deduxit. utraque autem simul seu co-
dem tempore pereunte, damnum unius est emptori-
ris, & hic pretium illius debet venditori. Molin.
d. 366. num. 10. Pirh. b. t. num. 52. Lauterb. l. c.
§. 22. Muller. l. c. Tulden. l. c. num. 5.

2. Dixi secundo: venditione facta ad corpus:
qualiter facta dicitur, quando res constans pondere,
numero, mensura venditur per modum totius
sine mentione ponderis, numeri, mensuræ;
v.g. vendo tibi hoc dolium vini, hunc gregem
ovium. Quæ etiam dici solet venditio per aver-
sionem, eo quod illico avertat periculum à vendi-
tore in emptorem. Si enim res talis venditur ad
quantitatem, ante annumerationem, admensio-
nem, appensionem, periculum est vendoris, &
tenetur is pretium, si quod ei solutum restituere.
l. quod sepe. §. in his. ff. de contrab. empt. l. cum con-
venit. C. de peric. & commod. rei vendit. de Lugo.
l. c. num. 218. Covar. c. 3. pract. num. 7. Molin. d.
366. Rebell. l. 9. q. 35. num. 5. Less. l. 2. c. 21. du.
12. num. 96. Laym. l. 3. tr. 4. c. 17. §. 2. num. 11.
& alii, quos citat & sequitur. Castrop. l. c. num. 5.
Lauterb. l. c. §. 13. cuius ratio redditur cit. l. quod sepe.
nimurum, quod quando res ad mensuram emi-
tur, censetur semper tacite ha conditione empta:
si admensa, annumerata, ponderata; ac proinde
prius contractus non est perfectus, nec constat
quid, quale quantum veniat. Lauterb. loc. cit.
fecit tamen est, & periculum erit emptoris, si res
talis ante mensurationem &c. fuerit traditæ quæ
tunc dominium per illam traditionem translatum
in emptorem. Lauterb. §. 16. citans l. 2. C. de peric.
& commod. & ibi Barbos. n. 5. Trentac. resol. 3. n. 4.
uti etiam si ante mensurationem res quidem facta
est deterior, ejus tamen pretium decrevit, damnum
non ad venditorem, sed ad emptorem pertinere
dicit §. 18. citans pro hoc Trentac. resol. 5. num. 8.
Molin. d. 366. num. 4. de Lugo. d. 26. n. 118. ubi
tamen is de hoc nihil. Sic etiam censetur venditio
facta ad quantitatem referendo & restringendo pre-
tium ad mensuram dicendo; v.g. vendo tibi totum
gregem, & pro qualibet ove dabis tres florenos. Ven-
do totum dolium vini, & pro quavis amphora da-
bis solidum. Vendo totam cistam sacchari, & pro
quavis libra dabis florenum. Vel etiam dicendo:
vendo ex hoc dolio 10. amphoras: ex hoc cumulo
tritici 10. modios, pro singulis dabis florenum.
Vel

Vel etiam dicendo: vendo tibi hoc dolium, in quo continentur 100. urnae: hunc acervum lapidum, qui continet 20. plaustra. Si tamen hac ratione exprimatur quantitas tanquam restrictiva & taxativa pretii eo animo, ut si major esset quantitas, non vellet eo pretio vendere, vel si esset minor, non vellet isto pretio emere, secus autem, si exprimatur tanquam demonstrativa, seu causâ distinguendi corpus hoc venditum ab alio corpore; tunc enim esset venditio & emptio ad corpus. Quamvis in his, ut colligatur, num res vendatur ad corpus, an ad quantitatem, non tam ad verba, quam ad alias quoque circumstantias, ut inde intentio contrahentium colligatur, attendendum esse monent. Haunold. de j. & j. tract. 10. controv. 9. n. 53. & alii. Porro quod hic dictum de rebus mensurandis, idem dicendum de rebus gustandis, seu quæ communiter fine degustatione non emuntur, ut vinum l. 4. §. 1. ff. de peric. & commod. Castrop. l. c. Lauterb. §. 19. Muller. ad Struv. tit. eod. th. 101. qui duo posteriores dicunt venditionem ad gustum factam adeo imperfectam esse ante degustationem, ut etiam eam improbare licet. Vino enim vendito nunquam degustandi conditio exclusa censetur, et si de hoc nihil dictum. Muller. loc. cit. Lit. p. nisi tamen, pro ut hoc expresse limitant idem & Lauterb. §. 10. ita emptum vinum, ne degustetur, tunc enim emptionem statim perfectam, & periculum acoris & inuicoris vini ad emptorem spectare, nisi vendor id in se receperit. An vero id dicendum, si nondum degustatum vinum, signata tamen vasa ab emptore, vide fusè apud Muller. Lit. & Intelligentia vero haec sunt, ubi nullus terminus mensurationi, aut gustationi appositus, aut, si appositus, nondum advenit. Si enim is appositus advenit, & per emptorem stetit, quod minus mensuratio ponderatio facta, periculum rei pereuntis est penes emptorem, & vendor ad nihil tenetur, nisi ex dolo & lata culpa. Molin. loc. cit. §. obseruat. Rebello. loc. cit. n. 10. Castrop. cit. num. 5. Bonac. de contrac. d. 3. q. 2. p. 8. num. 8. Lauterb. §. 17. idem est, dum nullo constituto termino vendor congruo tempore presentibus testibus monuit emptorem, ut ad rem mensurandam veniat, & eo id negligente res interea periret. l. si quis vin. ff. de peric. & commod. junctal. 2. C. eod. AA. citati. Reiffenst. b. t. n. 225. Quod si res elapsa illo termino adhuc extet, posse venditorem citra iniustitiam rem absumere, vinum effundere, si dolis indigeat, aut alteri vendere, ait. Lauterb. loc. cit. Laudabilius tamen acturum, si hoc jure non utatur, citans pro hoc Bonac. ubi ante. Brunem &c. quin & Castrop. cum Rebello. item de Lugo l. cit. n. 217. ait, ex lege caritatis teneri illum rem conservare emptori, exigendo ab illo lucrum cessans aut damnum ob eam causam emergens, & quid in hoc dicendum de degustando vino, vide apud Muller. loc. cit. Lit. ?.

Dixi Tertio: venditione perfecta, nimurum consensu absoluto: si enim venditio facta sub conditione, & pendente conditione res tota pereat, interitus est vendoris, & is pretium, si quod recepti, restituere tenetur, licet postmodum conditione eveniat. l. illud. l. necessario ff. de peric. & commod. Molin. loc. cit. num. 18. Haunold. tr. 10. controv. 9. num. 48. Castrop. loc. cit. n. 4. Lauterb. §. 11. siquidem ante adventum conditionis contractus non est perfectus, & interitu rei venditio perficienda dissolvitur seu extinguitur, adeoque existente conditione retrahi nequit, l. 8. ff. & l. pern. C. de peric. & commod. l. 7. ff. de contrah. empte.

R. P. Leur. Jur. Can. Lib. III.

Castrop. Lauterb. LL. cit. Carpz. const. 26. defens. 21. nisi tamen aliter conventum. l. 10. ff. de peric. & commod. & ibi, Brunem. num. 1. & 2. Perez in Cod. tit. eod. num. 5. Lauterb. loc. cit. si vero res non interiit sed deterior tantum interea facta, damnum existente dein conditione spectat ad emptorem, ita ut ob hanc deteriorationem locum non habeat remedium. l. 2. C. de rescind. vend. Castrop. Lauterb. LL. cit. Tulden. in Cod. de peric. & com. mod. num. 4. Barbos. in Cod. eod. num. 16. Carpz. l. c. defens. 22. nam posita conditione perficitur venditio, neque ob illam deteriorationem tenebitur vendor ullam diminutionem facere pretii, alias mutaretur contractus. Ita cum Rebello. p. 2. l. 9. q. 15. num. 4. & Molin. d. 366. §. quando loco. Castrop. loc. cit. Reiffenst. b. t. num. 220.

4. Dixi quartò: si res pereat vel deterioretur circa culpam vendoris: si enim res ante traditionem pereat aut deterioretur. Dolo aut culpâ latâ vel levâ, non autem levissima vendoris, periculum & damnum omne spectat ad vendorem. l. 32. §. 4. l. 5. §. 7. ff. commodati l. 36. ff. de act. empti. Gomez. l. 2. var. c. 2. num. 32. Rebello. loc. cit. num. 19. Less. l. 2. c. 21. du. 12. num. 97. Sa. v. conditio. num. 29. quos citat & sequitur Castrop. loc. cit. num. 3. item Molin. d. 366. num. 17. de Lugo loc. cit. num. 117. Pirh. b. t. num. 51. Lauterb. l. 6. §. 6. Carpz. l. c. defens. 26. num. 24. vendor enim ex vi contractus tenetur rem integrum tradere, ac consequenter tenetur ad illius custodiam, donec tradatur. Et quidem juxta. l. 3. ff. de peric. & commod. exactionem quam in rebus suis faceret AA. cit. quam tamen custodiam ubi ultronea promisit vendor, non videtur in se recepisse calum fortuitum, quem tamen si in se recipit, interitus rei est ipsius. Lauterb. §. 8. sic itaque si vendor est in mora culpabili rem tradendi, damnum rei interea pereuntis aut deteriorata est illius, et si de cetero periret casu. l. illud. ff. de peric. & commod. l. 4. §. fin. C. eod. de Lugo Castrop. LL. cit. Lauterb. §. 7. Reiffenst. b. t. num. 217. nisi constaret eodem modo perituras fuisse apud emptorem; tunc enim tam in foro externo quam interno periculum spectabit ad emptorem. Arg. l. si plures. §. hoc autem Inst. b. t. Molin. loc. cit. n. 13. Less. l. c. num. 96. Rebello. loc. cit. n. 21. Castrop. de Lugo LL. cit. Reiffenst. n. 218. quia in tali casu nullum ex mora creatum est præjudicium. Cujus tamen contrarium sentit Carpz. l. c. def. ult. apud Lauterb. l. c. In dubio autem an eodem modo res peritura fuisse apud emptorem, interpretationem faciendam esse contra morosum venditorem, tam in foro externo quam conscientia, ait cum Rebello Castrop. l. c. quod si vero uterque tam emptor quam vendor fuit in mora, ad illum pertinet periculum, qui est posterior in mora. cit. l. illud. de peric. & commod. Reiffenst. num. 217. modo tamen prioris mora non fuerit dolosa. l. 51. §. 1. ff. de act. empti. & ibi Barbos. Lauterb. cit. §. 7. citatis insuper Perez. in Cod. cit. tit. n. 10. Wesenbec. ibid. Bonac. l. c. d. 3. q. 2. p. 8. num. 4. & alii. Item spectat periculum ad venditorem, & is pretium restituere tenetur si res vendita ob delictum vendoris addicta est fisco, Molin. l. c. n. 15. de Lugo cit. n. 217. Reiffenst. b. t. n. 219. juxta expressum textum. l. si fundus. ff. locati. Item si vendor affirmavit rem durare & conservari posse, vel non admonuit emptorem, sciens rem non duraturam. l. si. vina. ff. de peric. & commod. de Lugo. loc. cit. juxta dicta supra. De cetero si res vendita periret ex praecedente vitio ab emptore

Bb 2

ignora-

ignorato (idem videtur de vitio etiam à venditore ignorato) damnum esse venditoris juxta l. 1. & ult. C. de peric. & commod. addita l. 44. de contrah. empt. astruit Lauterb. §. 9. citans Perez. in C. cit. tit. num. II. & sic equo vendito intra triduum mortuo, in dubio periculum dici spectare ad venditorem; quia mortuus præsumitur ex præcedente via. Idemque est de aliis animalibus.

Quæst. 311. *Commoda rei venditæ, quæ dicantur, quotuplicia sunt, & ad quem spectent re nondum tradita?*

1. **R**esp. Ad primum & secundum: *commoda rei venditæ dicuntur, quæ ei naturaliter accidunt.* Struv. ad ff. de peric. & commod. tb. 102. Alia dicuntur *extrinseca*, quæ ex ipsa rei natura veniunt, ut sunt fructus agrorum, lapicidinum, fatus animalium. Quò etiam referuntur, quæ per alluvionem vel impetum fluminis adiiciuntur, quæ & augmenta naturalia dicuntur. Muller. Ad Struv. loc. cit. Alia *extrinseca*, quæ occasione rei accident, qualia sunt, quæ per servum venditum acquiruntur, item mercedes ex operis & vecturis, pensiones ex locatione &c.

2. Resp. Ad tertium: *hæc commoda omnia post contractum venditionis perfectum spectant ad emptorem non secus ac damna & incommoda.* l. 1. C. de peric. & commod. verum de hoc satis dictum supra, ubi qualiter res emptori tradenda una cum fratribus tam naturalibus quam civilibus, tam pendentibus quam perceptis, aut etiam nascituris aliisque accessionibus, & ad quem eadem spectant vi venditionis, perfecta.

Quæst. 312. *Actio Empti quid & qualis & quotplex sit, quando oriatur, quibus & contra quos & ad quæ detur?*

1. **R**esp. Ad primum: *actio Empti seu ex Empte* (quæ uti & actio venditi est effectus mediatus, medianimirum obligatione tanquam effectu immediato & primo natus exemptione & venditione) est, quæ competit emptori ad ea consequenda, quæ ei à venditore debentur vi contractus. l. ex empte. ff. de act. empt. proinde est hæc actio personalis adversus venditorem. Ratione causa efficientis remotæ, seu quatenus à jure concessa est civilis. l. 33. ff. de adlit. edict. ratione objecti est rei prosecutoria. l. 17. Inst. de act. est simplex & bona fidei. §. 28. Inst. eod. ratione durationis est perpetua. l. 21. C. de evict. & l. 5. C. quib. non obijc. long. temp. prescript.

2. Resp. Ad secundum: est hæc actio alia directa, quæ ex ipsis legis verbis competit; alia utilis, quæ interdum ex aequitate contra strictam jurisdictionem conceditur. l. 13. §. 25. ff. de act. empti. Sic; v. g. si procurator mandato domini rem aliquam emerit, domino quoque conceditur actio utilis. Lauterb. in ff. de act. empti. §. 3. eamque concedi seu acquireti ipso jure censet Hahn. ad We. senbec. tit. eod. num. 2. alii non nisi per cessionem.

3. Resp. Ad tertium: Nascitur & competit hæc actio statim, ac de re & pretio inter contrahefites conventionem absolutè & obligatio utrimque in esse deducta, quod sit, et si pretium neclauda solutum aut realiter oblatum, §. 1. Inst. b. t. his non obstante. l. 13. mox citand. utpote cuius verba non ad nativitatem actionis, sed ad effectum exactioris referenda. Lauterb. loc. cit. §. siquidem institui non potest cum effectu, nisi pretium

solutum integre vel realiter oblatum. l. 13. §. 8. ff. de act. empti. vel saltem fidejussionem aut hypothecam dedisset emptor. l. ut res. ff. de contrah. empti. aut ei res vendita credito, vendi habendo illi fidem sine ulla assecuratione, ita ut, si in judicium deducatur, possit vendor eidem opponere exceptionem pretii nondum soluti, & rem venditam quasi pignus detinere, donec, pretium integre solvatur. cit. l. 13. & hoc non ideo, quod emptor prius debeat adimplere contractum solvendo pretium; cum uterque vendor & emptor ratione obligatiois æqualiter se habeant, ita ut, sic ut emptor si efficaciter agere velit, prius debeat implere contractum solvendo pretium, ita etiam, si vendor velit agere cum effectu, prius debeat rem tradere. Ut enim quis ex contractu ultro citroque obligatorio agere possit, requiritur, ut ipse prius ex sua parte contractum impletat. Lauterb. loc. cit. quin & ut idem citatis Mudæo. & Franzk. ubi vendor hanc exceptionem non opposuit ante sententiam, eam etiam condemnatus in ipsa executione obijcere posset; cum ea nascatur ex ipsa actione eique insit, ita ut quando hæc in judicium deducitur, exceptio quoque in judicium deducta videatur; hac exceptione nequam arguente iniquitatem sententia, aut tendente ad ejus recissionem, utpote cui parere vult vendor, modo fiat vicissim ex parte emptoris, quod æquum est.

4. Resp. Ad quartum: competit hæc actio emptori ejusque hæredibus. l. 10. ff. de act. empti. & utilis etiam domino ex actu procuratoris. l. 13. §. 25. ff. eod. Lauterb. loc. cit. §. 6. contra venditorem ejusque hæredes. l. 47. & 52. ff. eod. ex contractu procuratoris datur utilis contra eisdem dominum. cit. l. 13. directa verò contra illum, qui emit vel vendit per nuncium; cum obligatio immediata radicetur in persona mittentis. l. 14. §. fin & l. 15. ff. de const. pecun. Nuncius verò, sicut non contrahit, sed tantum denunciat contractum, nudumque ministerium præstat, ita etiam illi non nascitur obligatio vel actio. Lauterb. §. 7.

5. Resp. ad quintum: datur hæc actio ex empto ad omnia ea consequenda, ad quæ præstanda emptori obligatur vendor, ut constat ex toto tit. de act. empti. Præsertim l. 11. ejusd. ac ita datur ad ea, quæ nominatim in eo contractu expressa sunt, & si nihil expellum, ad ea, quæ naturaliter infunt. cit. l. 11. Eā actione principaliter peccat res ipsa vendita, dein fructus, commoda emolumenta, & accessiones post contractum ex re provenientes item per quam agitur, ut vendor de evictione caveat eamque præstet, refundat sumptus in rem emptam factos, casu quo eam restituere debeat &c. de quibus actum in antecedentibus in particulari, ubi de obligationibus vendoris. Quia verò hac actione veluti genere comprehenduntur actiones redhibitoriae & estimatariae veluti species, de his paulò post in specie agemus.

Quæst. 313. *Quid sit actio venditi seu ex vendito, qualis quotplex, quando nascatur?*

1. **R**esp. ad primum, secundum, tertium: est actio, quæ competit venditori ad consequenda ea, quæ ei ab emptore præstari oportet, ut dicitur l. 13. §. 9. ff. de act. empti. Estque non minus quam actio empti civilis rei prosecutoria, perpetua, directa vel utilis. cit. l. 13. §. 25.

2. Resp.

2. Resp. ad quartum: Oritur simul cum actione empti, nimirum statim, ac absolute conventionem de re & pretio inter contrahentes. §. 1. *Inst.* h.e. ut tamen contra emptorem ejusve hæredes efficaciter intentari possit, requiritur, ut venditor ex parte sua contractum impleverit, nimirum rem emptam tradendo. l. 25. ff. de *act. emp.* aut res pro tradita habeatur, re nimirum casu pereunte. l. 5. ff. de *rescind. vend.* L. ult. C. de *peric. & commod.* alias enim venditori dolo petere viso, hac actione agenti obstat exceptio rei non tradita. *cit. l. 25.* idque, etiam si statutum dicat instrumento, nullam opponi posse exceptionem. Lauterb. l.c. §. 45. cum Decio conf. 421. num. 2. Item procedit, si res plures uno pretio venditæ, & nondum omnes traditæ, sed aliqua tantum. l. 5. C. de *evict.* l. 34. ff. de *adlit. edit.* imò & interduum locum habet hæc exceptio rerum nondum omnium traditionis, licet res plures non conjunctim, sed disjunctim pretio in singulas constituto venditæ, si nimirum constet emptorem empturum non fuisse nisi conjunctim omnes. Arg. *cit. l. 34.* Lauterb. l.c. cum Decio. l.c. n. 4. & Tulden. m. c. tit. eod. n. 2. Si vero aliena vendita & tradita, emptor id sciens, venditorem hac actione potenterum premium repellere potest exceptione rei alienæ, si venditor sciens rem alienam vendiderit, & emptor, si vult, reddendo rem defungitur. Arg. l. 30. §. fin. ff. de *act. emp.* Tulden. l.c. n. 3. Lauterb. §. 47. Si vero emptor ne sciret rem alienam, & imminet periculum evictionis, emptor tamdiū premium retinere potest, & venditorem exceptione repellere, donec illi de evictione sati dederit. l. 18. §. 1. ff. de *peric. & commod. rei.* Carpzov. *conf. 34. defens. 31.* Tuld. l.c. Lauterb. §. 48. Secus est, si nullum periculum evictionis imminet, venditor jure petit hac actione premium, & emptor exceptione rei alienæ se queri nequit, etiam extrajudicialis interpellatio intervenerit. Lauterb. §. 49. citatis alii.

Ques. 314. Ad quæ venditori concedatur hæc actio?

1. **R**esp. Ad ea omnia, de quibus venditor cum emptore convenit. In specie vero imprimis datur ad consequendum premium. l. 13. §. 20. ff. de *act. emp.* l. 6. & 13. C. eod. quod emptor præcisè solvere tenetur, ita ut licet maximum ejus partem solverit, & pro residuo rem venditam restituere & in solutum dare velit, non tamen sit audiendus. Arg. l. 2. ff. de *rebus. credit.* Lauterb. §. 51. Carpzov. l. 5. resp. 22. quin & premium ita solvere, ut nummos faciat venditoris. l. 11. §. 2. ff. de *act. emp.* utpote quorum sine translatione dominii non est usus. Unde si emptor solveret nummos alienos, hac solutione non liberaretur, sed venditor actionem pretii adhuc salvam haberet, illamque statim contra emptorem intendere potest. l. 7. C. de *act. emp.* Hoc ipsum tamen, quod nummis alienis facta, non impedit, quod minus rei vendite dominium (quod alias per traditionem sine solutione pretii non transfertur, ita ut venditor rem traditam in concursu creditorum ante omnes emptoris creditores vindicare possit. l. 5. §. 18. ff. de *tribut. act.* Gail. l. 2. obs. 15. n. 4. Carpzov. p. 2. conf. 28. defens. 17. à num. 6. Lauterb. m. ff. de *act. emp.* §. 5.) transfeat in emptorem, & nummorum dominus rem venditam vendicare nequeat. l. 6. C. de R. V. nisi sit miles. l. 8. eod. vel ecclesia. c. 1. can. 12. q. 3. c. 1. de *pecul. cler.* vel

tutor pecuniâ pupilli rem emerit. l. 2. ff. quand. ex *fact. minor.* Lauterb. l.c. §. 51.

2. Datur deinde actio hæc ad usuras pretii. l. 13. §. 20. ff. de *act. emp.* non quidem jure obligacionis, aut etiam statim post factam traditionem & ante moram emptoris (nisi stipulatione vel pacto in continente adjecto fuerint promissa. l. 5. C. de *pact. inter. emptor. & vendit.* Tulden. in *cod. de act. emp.* num. 8. Carpzov. l.c. conf. 30. defens. penult. Lauterb. l.c. §. 52.) sed ex officio Judicis, & quidem post moram. cit. l. 5. l. 13. C. de *act. emp.* L. fin. ff. de *peric. & commod.* Lauterbach. loc. cit. Licet enim, ut Idem, fructus rei venditæ omnes statim ex tempore perfecti contractus cedant lucro emptoris, etiam ante moram vendoris, sicut tamen periculum pretii non statim ex tempore contractus ad vendoris, uti rei venditæ ad emptorem pertinet, ita vendori non statim ex tempore, quo emptio perfecta est, aut etiam ex parte vendoris traditione rei completa, sed denum post moram debentur usuras, uti in ceteris bona fidei negotiis. Quod ipsum tamen limitat & distinguunt in sequentibus. Ut dum §. 53. ait: si vendor rei vendita tradita fidem de pretio habens, necessitatem illius in praesens solvendi remisit, usuras non debet, antequam emptor per interpellationem in mora constituantur. Arg. l. 88. ff. de *Reg. Jur.* pro qua citat Donell. in l. 5. C. de *act. emp.* Franzk. tit. eod. num. 431. & seq. Maul. de *emp.* & *vend.* t. 9. num. 6. &c. Uti etiam emptorem, dum is ob imminens periculum evictionis reinet premium, donec illi de evictione satisfactio præstetur, usuras illius interea solvere non teneri, ait Arg. l. 24. C. de *evict. junct. l. 88. ff. de reb. cred.* citatis pro hoc Maulio ubi ante & Mynsing. cent. 4. obs. 56. Hujus tamen postremi contrarium communiter receptum & approbatum testante apud eundem Carpzov. loc. cit. conf. 34. defens. 38. Fide vero, ut habet §. 54. de pretio non habita, & necessitate in praesens solvendi non remisâ, emptorem statim in mora constituit, & usuras solvere teneri, quamprimum ei res vendita est tradita, etiam ipse a venditore expresse & personaliter de solutione non sit interpellatus juxta l. 13. §. 20. ff. de *act. emp.* l. 18. §. fin. ff. de *usur.* citans pro hoc Arumæ: tr. de *mora. c. 4. num. 25.* Donell. ubi ante. Raht. de *contrab. emp. assert. 82. num. 12.* Brunnenm. cent. 3. decisi. 31. Mev. p. 3. decisi. 11. Eò quod venditio & emptio sint negotium bona fidei, quod desiderat, ut venditore tradente, & ex sua parte completere contractum, emptor, qui rem & sic quoque facultatem eâ utendi ac fruendi accepit, ex sua quoque parte contractum impletat & premium solvat, de quo etiam vendor rem tradendo interpellare videtur; cum vendat & tradat rem, ut premium accipiat. Unde hoc differendo eo ipso moram contrahere & contra bonam fidem peccare censetur emptor, adeoque merito ab eo tempore in usuras condemnatur. cit. l. 13. & 18. Excipiuntur tamen merces a mercatoribus venditæ, ita ut nullo tempore exsolvendo pretio constituto, emptor pretii conventi usuras solvere non teneatur; tempore autem certo constituto, teneatur statim à mora post illud tempus elapsum etiam à venditore non interpellatus Brunnenm. Mev. LL. cit. Lauterb. §. 54. Porro quod spectat modum seu quantitatem harum usurarum, ad quas exigendas datur hec actio, eam constituerandam seu diminuendam non esse ex quantitate fructuum ex re vendita ab emptore perceptorum vel perceptibilium (hoc

enim, ut bene Lauterbach. §. 55. cum Mantic.
de tac. & ambig. corvent. l. 4. tit. 16. num. 4.
Summam incertitudinem & difficultatem indu-
ceret) sed ex more regionis, ubi contractum,
V.g. in Imperio nostro de 100. exigendo annua-
tim 5. idque etiam si illo tempore illius mora
empor ob ubertatem percepisset maximos fru-
ctus, aut etiam ob belli calamitatem, aquarum
inundantium aliumve casum fortuitum exiguo-
vel nullus, tradit Lauterbach. loc. cit. citatis
Carpzov. p. 2. const. 30. defens. 6. Aruma. loc.
cit. Fränzk. loc. cit. num. 414. &c. eò quòd
sufficiat venditorem tradidisse rem & facultatem
re utendi & fruendi transstulisse in emptorem, &
hunc contra bonam fidem pretii solutionem diffe-
rendo moram admisisse, cum vera & genuina causa
usurarum præstandarum sit, non actualis frugum
perceptio, sed frustratio & dilatio pretii contra
bonam fidem admissa. l. 32. §. 2. ff. de usura.
Dissentientibus nihilominus quo ad hanc con-
stituendi quantitatemi usurarum. Maul. loc. cit.
Perez. in cod. de act. empli. à num. 18. Brunnen.
ad cit. l. 13. §. 20. Dum iis magis placet quòd ad
hoc æquitas Juris Canonici, quam rigor ille Juris
Civilis, & distinguendum dicunt, an res vendita
naturā suā sit sterilis, an frugifera. Quanquam
etiam moneat Lauterbach. §. 57. cavendum
venditori, ne, dum empor etiam reliquarum
suarum facultatum jacturam fecit, se harum usur-
arum acerbum exactorem, sed moderatum beni-
gnū & humanum præbeat. De cætero ultra di-
tas consuetas usuras vendor ob moram & aliud
lucrum cessans, dum v.g. mercator præexit aut
probat, se ex pretio, si justo tempore accepisset,
plus lucri facere potuisse, nihil exigere potest.
Lauterbach. §. 58. juxta L. fin. ff. de peric. & com-
mod. quam legem quia aliqui restringunt, ut lo-
cum tantum habeat, ubi agitur tantum ob moram,
sentiunt, ultra usuras ob dictum lucrum ces-
sans aliquid exigi posse in causa delicti vel dolii. l. 21.
& seq. ff. ad leg. aquil. item in actione de evictio-
ne. l. 8. ff. de evict. quin etiam empor in casum
pretii statuta die non soluti ultra legitimum usurarum
modum validè venditori promittere non
potest pœnam. l. 13. ff. de act. empli. §. 26. & ibi
Mudæ. num. 7. id ipsum etiam in pœna incer-
tum locum habere docens. Lauterbach. loc. cit. cùm
id fieri censetur in fraudem legum usuris istiusmo-
di ob util. item publicam certos terminos statuen-
tium, quos contrahentes stipulando excedere ne-
queunt cit. l. 13. §. 26. Lauterbach. loc. cit. citans
Trentacinq. l. 3. defolut. resol. 21. n. 1. His de pœ-
na non obstante, quòd empori stipulanti vendor
speciei debitor in casum evictionis jure promittat
duplum. l. 37. ff. de evict. ejus disparitatis ratio-
nem vide apud Mudæ. l.c. n. 5. & 6. Item non ob-
stante, quòd, si empor ultra pretium etiam factum
tanquam pretii additamentum promisit in casum,
quòd id non fiat, promittere venditori pœnam pos-
sit. l. 28. ff. de act. empli. Siquidem sicut, si nulla es-
set pœna apposita in tali casu, facto non præstito,
actione venditi competit ad interesse, usurarum ter-
minis non inclusum; ita etiam pœna in tali casu
addita, ex legibus ponentibus limites usuris non
accipit moderationem. Lauterbach. §. 59. cum
Mudæ. ad cit. l. 28. Nec denique obstante, quòd
pœna conventionalis in casum pœnitentia seu re-
cessus à contractu tam ab emporie quam venditore
validè promitti possit, non attento usurarum modo;
cùm hac ratione nulla fiat accessio ad pretium aut

usuras; adeoque etiam nullum fœnus committa-
tur; cùm pœna illa ab emporie soluta pretium de-
sinat deberi. Lauterb. §. 60. cum Berlich. p. 1. de-
cis. 43. & 44. n. 3. Competit quoque actio venditi
ad repetendos sumptus à venditore in rem vendi-
tam bona fide factos, non tantum necessarios, sed
etiam utiles, quos verisimile est emporie voluisse
impendi. L. penult. C. de act. emp. junct. l. 13. §. 22.
ff. eod. Mudæ. l.c. Lauterb. §. 61. Ac denique
interdum etiam ad rem una cum fructibus repeten-
dam, nimis um contractu resoluto. l. 4. §. 2. ff. de le.
commiss. junct. l. 4. §. 4. & l. 14. §. 1. ff. de in diem
addit. Lauterbach. l.c. §. 62.

**Quest. 315. Actio redhibitoria quæ di-
catur, unde ortum habeat, quibus,
contra quos, ad quid detur, & quæ,
ut competat, requirantur?**

1. Resp. ad primum: Actio redhibitoria est actio
ex empto competens empori contra vendi-
torem ad redhibendam ei, id est, iterum habendam
ab eo, seu recipiendam rem venditam, & c. contra
ad recipiendum ab eo pretium, cunctaque in inte-
grum restituenda, casu quo venditor occultavit vel
non manifestavit tale vitium & defectum, ob quem
res vendita vel ex toto vel notabiliter reddatur inuti-
lis ad finem & intentionem emporis, quod si hic
scivisset, eam non emiserit. Sumitur ex L. cum autem.
§. Julianus. & L. facta & sequent. ff. de edit. edict. Dicitur redhibitoria ab effetu, quem habet;
cum redhibere, ut dicitur L. redhibere. ff. eod. sit
facere, ut habeat venditor, quod habuit, & quia id
siebat redhibendo, idcirco redhibitio est appellata
quasi redditio. Dicitur quoque judicium redhi-
bitorium, uti & judicium redhibitoria actionis.

2. Resp. ad secundum: ortum habet ab ædi-
libus (quorum officium erat sacras aedes & vias
publicas curare, nec non fraudes à foro & vendi-
tionibus arcere. Schardius in lexico. v. ædiles.)
edictum proponentibus, vi cuius venditores tene-
rentur aperire morbos ac vitia in re vendenda la-
tentia. Ex quo edicto duæ prodire actiones adili-
tia, nempe redhibitoria & æstimatoria contra
venditores occultantes vitia & defectus rerum
vendarum.

3. Resp. ad tertium: Conceditur non
tantum empori, sed & ejus hæredibus. L. scien-
dum. §. 5. ff. de adlit. edict. contra venditorem
ejusque hæredes. L. si venditor. & L. cum autem.
ff. eod.

4. Resp. ad quartum: Ut detur & inter-
tentur hæc actio, requiritur primò, ut vitium occul-
lum non sit leve, sed notabile, ob quod ministerium
& usus, ad quem emitur, impediatur, aut no-
tabiliter deterior efficiatur, ita ut merito empor
non emiserit, si scivisset. Secundo debet esse vitium
corporis, ita ut, si sit vitium corporis & animi
mixtum, actio redhibitoria propriè talis locum
non habeat. l. 4. §. 4. ff. de adlit. edict. quamvis,
ut ibidem dicitur, contra scientem & reti-
centem vitium animi agi possit actione communi
ex empto. Tertiò, ut vendor vitium latens
sciverit; contra ignorantem enim non datur
hæc actio, sed æstimatoria tantum. l. 13. ff. de
act. empli, nisi error sit in substantia. Ut nec
ea conceditur empori, dum is vitium patens
culpâ suâ, aut ignorantia crassâ non observa-
vit. l. 1. §. 6. & l. 14. §. fin. ff. de adlit. edict.
cùm

cum talis ignorantia habeatur pro scientia. Porro contraētum, contra quem datur hac actio redhibitoria, irritum esse non obscurè colligitur ex L. facta. ff. de adl. edit. dumibi dicitur: facta redhibitio ne omnia in integrum restituuntur perinde, ac si neque emptio, neque venditio intercessisset. Sed neque contrarium, nimurum talem contractum prius in foro externo validum fuisse ex eo infertur, quod leges nonnunquam dicant, per redhibitio nem relendi debere contractum; nam rescissio, ut nota Glosse, in L. eleganter. ff. de dol. mal. v. de dolo actionem non semper significat contractum, annullandum, sed quandoque revocationem illius, quod vi contractus de jure irriti factum est ita cum Molin. d. 353. num. 5. Reiffenstuel. b. t. num. 316. Verum tamen non ex eo præcise, quod statutum tale sit, ut id sciens empturus non fuisse, talis contractus est ipso jure irritus, aut etiam adhibenda actio redhibitoria (sequeretur enim ex hoc grande bono Reipublicæ summe perniciosum absurdum, nimurum plurimos contractus, profes siones, electiones, matrimonia fore invalidos, eo quod plures eorum non essent facti, si latentes defectus vel vitia & circumstantiae fuissent præcognita) sed necesse est, adesse vitium in substantia vel tale, quod usum finemque ementis vel totaliter vel notabiliter impedit, in quo casu jam censemitur jure positivo vel naturali irritus. Quod ipsum proinde spectandum principaliter in ordine ad di gnosendum, an contractus invalidus vel invalidandus, non attento, num emptor omnibus cognitis empturus fuisse, necne. Et ita docent Castrop. tr. 33. d. 5. p. 22. num. 14. Valent. d. 5. q. 20. p. 4. concl. 2. & 4. Pet. Nav. de ref. c. 2. n. 59. Laym. l. 3. tr. 4. c. 17. Reiffenstuel. b. t. num. 323. &c. contra Abb. in c. injustum de rer. perm. num. 2. Nav. in man. c. 23. num. 89. &c. quorum funda mentum, nimurum quod in tali casu desit consen sus, deficit, dum ex eo solum quod empturus non essem, si scirem vitium, non sequitur, me modò, dum illud ignoro non habere voluntatem emendi, sed tantam me illam non habiturum, si scirem vi tium, & modò me habere solum quandam animi dispositionem & habitualē inclinationem ad non emendum circa omnem actualem voluntatis ope rationem. Secus tamen foret, si quis actu ita dirigeret suam intentionem ac diceret: nolo emere rem illam, si tali affecta sit vitio vel conditione; tunc enim verè deesset consensus, & ita deesset censetur, dum defectus versatur circa substantiam, vel talis esset, ut rem reddat inutilem ad finem ab emptore intentum.

Quæst. 316. Actio æstimatoria quid sit, quibus contraquos, & ad quid de tur?

Resp. Actio æstimatoria, quæ & dicitur actio quanti vel quanti minoris, est quæ compe-

tit emptori ejusque hæredibus contra emptorem, etiam ignorantem vitium, ejusque hæredes ob rena vitiosam venditam, ut tantum restituatur emptori, quanti minoris is eam emisset, si vitium scivisset. Sumitur ex tit. de adl. edit. Differt proinde hac actio ab actione redhibitoria, quod non sicut hæc detur ob vitium occultum, quod si scivisset emptor non emisset; sed ob tale vitium quod si scivisset emptor, adhuc tamen rem emisset, sed minore pretio. Abb. loc. cit. Adeoque non sicut illa datur ad redditionem rei emptæ, sed ad non solven dum tantum, quantum convenutum est, aut si illud pretium solutum, ad partem illius restituendam. Quamvis tamen etiam nonnunquam Judex vi illius redhibitionem imperare possit, dum nimurum ita vitiosum, ut emptori non expedit eam habere. L. boem. §. 6. ff. de adl. edit. Reiffenstuel. b. t. num. 317. Dixi: etiam ignorantem: Nam si vendor sciens vitium rem vendidit, posse illum conveniri etiam æstimatoria actione, non tantum ad restituendum partem pretii, sed etiam ad compen sanda omnia inde secuta damna juxta l. 13. ff. de act. empti. & l. 58. ff. de adl. edit. ait Reiffenst. num. 319. Dum alia, si ignorans vitium vendidit, hac actione æstimatoria conveniri nequeat ad dicta damna, sed tantum ad restituendum id, quanti minoris res ob dictum vitium valet. Vide de his plura supra, ubi qualiter vendor vitium rei vendenda manifestare teneatur.

Quæst. 317. Quantum temporis a jure concedatur ad actiones illas redhibitoriam & æstimatoriam intentandas?

Resp. Regulariter pro instituenda actione redhibitoria conceduntur sex menses utiles; pro æstimatoria annus utilis. l. 19. §. fin. ff. de adl. edit. In libertate vero emptoris est, ubi potest instituere redhibitoriam, illam aut æstimatoriam intra 6. menses instituere possit; ubi tamen unam assumpsit, variare amplius nequit. L. si is qui ff. de except. rei judicata. L. si quid ff. de adl. edit. Si tamen potens instituere actionem redhibitoriam, nullam instituerit intra 6. menses actionem, poterit adhuc illis elapsis intra annum instituere actionem æstimatoriam. L. si tamen ff. de adl. edit. elapsi autem anno nec redhibitoriam nec æstimatoriam intentare potest; quia eo tempore haec actiones præscribuntur. L. cum proponas. C. de adl. act. Et haec in foro externo; in foro siquidem interno manet obligatio restituendi vel compensandi id, in quo unus alterum contrahentium decepit aut damnificavit. Molin. est. d. 353. concl. 4. Covar. reg. possessor. 2. p. §. 11. num. 5. Laym. l. 3. tract. 4. c. 17. num. 15.

CAPUT